

Na osnovu člana 121. Zakona o visokom obrazovanju ("Službene novine Kantona Sarajevo" broj 36/22), člana 201. Statuta Univerziteta u Sarajevu, u skladu sa Odlukom o usvajanju dinamičkog plana potreba za raspisivanjem konkursa za izbor u zvanje broj:03-473.4/22 od 27.09.2022.godine, Odlukom o dopunama dinamičkog plana broj:03-512.4/22 od 11.10.2022.godine, Odlukom Vijeća Univerziteta u Sarajevu-Akademije likovnih umjetnosti broj:03-157.3/23 od 11.05.2023.godine i saglasnosti Senata Univerziteta u Sarajevu broj: 01-10-25/23 od 31.05.2023.godine raspisuje se

KONKURS

za izbor akademskog osoblja i prijem u radni odnos sa punim radnim vremenom

1. **Vanredni profesor za oblast Grafika/Crtanje , 1 izvršilac**
2. **Docent za oblast Grafika/Crtanje , 1 izvršilac**

II - Uslovi konkursa:

Pored opštih uslova propisanih Zakonom o radu, potrebno je da kandidat ispunjava uvjete utvrđene članom 96. Zakona o visokom obrazovanju ("Službene novine Kantona Sarajevo" broj 33/17,35/20,40/20,39/21).

Vanredni profesor:završen drugi ciklus studija ili VII stepen po predbolonjskom sistemu studija, proveden najmanje jedan izborni period u zvanju docenta, tri javno predstavljena oblika umjetničkog stvaralaštva, priznanja za uspješno djelovanje u odgovarajućoj oblasti umjetnosti i pokazani rezultati u nastavnom radu.

Docent: završen drugi ciklus studija ili VII stepen po predbolonjskom sistemu studija, dva javno predstavljena oblika umjetničkog stvaralaštva i pokazani rezultati u nastavnom radu.

Članom 197. Statuta Univerziteta u Sarajevu propisan je sadržaj pojmova/uvjeta za izbor u nastavno-umjetnička zvanja

Napomena: U skladu sa članom 176. Zakona o visokom obrazovanju ("Službene novine Kantona Sarajevo" broj:36/22): "svi članovi akademskog osoblja koji su izabrani u akademsko zvanje prema odredbama zakona koji prestaje da važi stupanjem na snagu ovog zakona zadržavaju pravo da budu izabrani u isto ili više akademsko zvanje prema uslovima propisanim ranijim zakonom", odnosno kandidati koji nemaju izbor u naučno-nastavno zvanje prema ranije važećem zakonu ("Službene novine Kantona Sarajevo" broj 33/17,35/20,40/20,39/21) treba da ispunjavaju uslove u skladu sa članom 113. Zakona o visokom obrazovanju ("Službene novine Kantona Sarajevo" broj 36/22;

Vanredni profesor : stepen drugog ciklusa studija ili završen postdiplomski studij po predbolonjskom sistemu studija, proveden najmanje jedan izborni period u zvanju docenta, veći broj javno predstavljenih oblika umjetničkog stvaralaštva, priznanja za uspješno djelovanje u odgovarajućoj oblasti umjetnosti i pokazani rezultati u nastavnom radu .

Docent: odgovarajući stepen drugog ciklusa studija ili završen postdiplomski studij po predbolonjskom sistemu studija, veći broj javno predstavljenih oblika umjetničkog stvaralaštva i pokazani rezultati u nastavnom radu

Uz prijavu na konkurs za izbor akademskog osoblja u zvanje zainteresovani kandidati prilažu:

- biografiju (CV) u elektronskoj i štampanoj varijanti;
- Uvjerenje o državljanstvu (original ili ovjerena kopija koja ne stariju od 6 mjeseci)
- Ovjerene diplome/ diplomu kojom dokazuju stepen stručne spreme, (kandidati koji su u inostranstvu stekli diplomu, prilažu nostrificiranu diplomu ili rješenje);

- potvrdu o provedenom najmanje jednom izbornom periodu u zvanju docent (za poziciju pod rednim brojem 1.),
- spisak sa naznakom broja javno predstavljenih oblika umjetničkog stvaralaštva uz dokaze (portofolio radova),
- dokumentaciju kojom dokazuju priznanja za uspješno djelovanje u odgovarajućoj oblasti i pokazanim rezultatima u nastavnom radu

Konkurs ostaje otvoren 15 (petnaest) dana od dana objavljivanja. Nepotpune i neblagovremene prijave neće se razmatrati. Priložena dokumentacija po Konkursu neće se vraćati kandidatima.

Kontakt osoba: Sekretar ALU , tel.: 033 210-530 , email: e.djozo@alu.unsa.ba